

2 Yoane Yoaneŋe ekap betŋan kulemguop.

O bukulpine,

¹⁻²Yeŋe Kiristo Bulâŋe Amboŋahâlen biwiyenŋe kepeinetâ Anitâŋe yâkât pat kuyiŋgimu mansai. Nenne yâk orop biwinenŋe kepeiakmâ konohâk otmu manmâ yâhâmbisâin. Yakât otmâ nâ kunyeŋe manmâ galemyongom mansanŋe, nâŋgâyiŋgim ekap yu kulemgum katyiŋgian. Otmu lohimbi nombotŋe Kiristohâlen biwiyenŋe kepeim mansaiŋe gurâ nâŋgâyiŋgiai. ³Awoŋnenŋe Anitâŋe nanŋe Kutdânenŋe Yesu Kiristo orop nâŋgâningim tihitnenŋe otmutâ biwinenŋe sânduk sâekgât nanŋan. Yawu otningimutâ yâk yetgât wâtyetŋan kinmâ den bulâŋeâk alahum buku oraŋgim mannom.

Biwinenŋe kepeiakmâ konohâk otmu buku oraŋgim mannom.

⁴Nenne Kiristohât den bulâŋe lâum mannomgât Anitâ Awoŋnenŋe sâam kalop. Yakât otmâ yeŋgâlen gâtŋe nombotŋe Kiristohât den tiŋâk lâum mansai ya yekmune âilonŋo otmu heronŋe nâŋgâyiŋgiman. ⁵⁻⁶Yakât otmâ yuwu sâamune nâŋgâŋet. Yen kerekŋe biwiyenŋe kepeiakmâ konohâk otmu buku oraŋgim manmâ yâhânomaihât emelâk den kâsikum yiŋgimune nâŋgâwi. Den kâsikum yiŋgiwan ya yiwerenŋe yawuâk kulemgum katyiŋgian. Yakât otmâ nenŋe yen orop yawuâk biwinenŋe kepeiakmâ

konohâk otmu Anitâhât den lâum buku oranjim manmâ yâhânôm.

Lok perâkņe yeņgât sâop.

⁷ Lok perâkņe yeņgât yuwu sâmunne nâņgâņet. Lok perâkņe dondâhâlâkņe Kiristohât lohimbi nengâlen torokatbi. Yamâ nenņe yâk orop biwinenņe ki kepeiakmâ konohâk otmu manbin. Yawu manbin ya pilânenekmâ ari yuwu sâm lohimbi ekyongomai. “Lohimbi nengât tihitnenņe olâkgât Anitâņe Yesu Kiristo himbimâmbâ ki hâņgâņgumu giop. Yâhâmâ lohimbi nen yuwuya,” yawu sâm Yesu mem ge katmai. ⁸ Yâhâ nenņe Kiristohât den pat âlepņe kâsikum yingimunņe nâņgâņetâ bulâņe otmu yâkât âi meņetâ, manman âlepņahât bulâņe âlâlâ teteyingimu mansai. Bulâņe ya yawuâk teteyingim yâhâwuapgât biwiyenņe galemahom mannomai. Yawu otmâ yâkât âi tiņâk mem mannomai otmuâmâ sâp patoen yakât hâmeņe Anitâņe dopyenņan ikņiâk ikņiâk yingimu menomai.

⁹ Lohimbi nombotņe bukulipyenņe den kâsikum yingimai yan Kiristohât den bulâņe yakât andemņe wangim yeņe nâņgân nâņgân torokatmai. Lohimbi ya yeņgât nâņgâmunņe yâkņe Anitâ orop biwiyenņe ki kepeiakmâ konohâk otmu manmai yawu otmap. Yâhâ lohimbi nombotņe âlâņeâmâ Kiristohât den tâņ tâņâk kâsikum yingimai. Ya yeņgât nâņgâmunņe yâkņe Awonņenņe Anitâ yet nanņe Yesu Kiristo orop biwiyenņe kepeiakmâ konohâk otmu manmai yawu otmap. ¹⁰ Yakât otmâ lohimbi âlâ me âlâņe yeņgâlen taka Kiristohât den andemņe wangim

âlâ kâsikum yinginomai yamâ emetyeņan ki dâim yâhâ katyekmâ sot um yinginomai. Me ki herone otyingim yâk orop den huhunomai. ¹¹ Yâhâ herone otyingim yâk orop den huhunomai otmuâmâ yâkņe den perâkņe lohimbi kâsikum yingimai yakât matņe Anitâņe yâk yingiwuap ya yen gurâ yawuâk yingimu menomai.

Den bâiņe sâm hâreop.

¹² Nâņgân nâņgân âlâlâ biwinan tap ya hârohâk kulemgum katyingimbâm yamâ nâņgâmune umatņe otmu pilâm den pâņe tâlâwâk yu kulemgum katyingian. Yâhâ hâmbâi nâņe yeņgâlen takamune eņaknom yanâmâ den yu torokatmâ alahum herone naņganingomgât naņgan.

¹³ Otmu Anitâņe kapi yu ambolipņe meyekmâ Kiristohât pat kuyingimu manmai yaņe orowâk nâņgâyingian.

Nâ bukuyeņe,
Yoane

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 22 Feb 2024 from source files dated 31 Aug 2023

995083d2-705e-5a60-af47-1e36806cccbc